

# QUÆSTIO MEDICA,

QUODLIBETARIIS DISPUTATIONIBUS  
manè discutienda, in Scholis Medicorum, die Jovis  
decimâ-sexta Januarii.



M. JOANNE-BAPTISTA CHOMEL,  
Doctore Medico, Præside.

*An Dysenteriae Vomitus ?*

I.

UT sanitati sic & morbo subjicitur corpus vivens, partes ejus tum solidæ tum fluidæ ( humores scilicet & spiritus ) his paritèr obnoxia. Sanitas in essentiali firmaque constitutione posita, accidentibus penè infinitis dejicitur; hinc morborum in genere, ut & causarum differentia multiplex. Velut umbra corpus, causam effectus, ita morbum symptoma sequitur; interdùm tamèn causa, aliàs morbi naturam induit. Symptomatum tria in communi genera; Actio læsa, Vitium in excretis ac retentis, qualitates corporis mutata. Actionem læsam arguunt quæ depravatam verbi gratia Chylosim sequuntur incommoda, ut *diarrhœa*, *anæmia*, *stomatitis* &c. Vitium in excretis præ se ferunt omnes alvi fluxus, præsertimque Dysentericus. Qualitates denique corporis mutatas exhibent quæcumque naturales sensuum operationes, spirituumque animalium legitimum ad partes influxum interpellare apta sunt. Varia hæc symptomata non sedabis, corpusque pristina integritati non restitues, nisi priùs fomites morbi causas amoveas.

II.

QUÆLIBET corporis viventis pars suos patitur affectus. Quæ innumeris penè gyris circumducta infimam hujus regionem occupant, ipsa quoque luis morbificæ dant panas intestina, laxis mesenterii flexibus quasi intersuta insigni cavitate pollent, ut liberior excrementorum *évacuation* commeatus fiat. Triplici ut & stomachus involucri obducuntur: Prima seu interior tunica villosa nervosæque glandulis donatur, è quibus stillat liquor mucosus intestinalis; Cæteris amplior rugas annulares, sive cellulas intestinorum efformat, Arteriæ mesentericæ venæque mæsaraicæ & lacteæ

per ejus superficiem variè diffeminantur. Secunda crassior & car-  
nosa duplici fibrarum Circularium & longitudinalium se invicem  
decussatim secantium serie pollet; his mediantibus motus peristal-  
ticus perficitur, quò ut purior & magis defæcatus liquor per lactea  
vasa secernitur sanguinem amico rore instauraturus, sic eòdem cras-  
sior & tartarea alimentorum pars foras ejicitur, juvante non nihil  
musculorum abdominis contractione. Tertia tandem intestinorum  
tunica seu exterior nervosa tota est, à peritonæo oritur, aliasque ob-  
vestit. Intestinorum multæ ac vehementes sunt passiones, Colica,  
Iliaca, alui fluxus, &c. Has inter formidabilis Dysenteria, doloris  
acerbitate præ cæteris horrenda, nec ullis cedens periculi magni-  
tudine. Illius quatuor species\* sanguinea, hepatica, melancholica,  
ac intestinalis proprie dicta: Cujuslibet, curationem quisquis ag-  
greditur, is priùs causas scrutetur accuratè, hasque debellet ocyùs  
& potenter.

\* Gal.  
3. de  
sympt.  
Caus.  
cap. 1º.

### III.

**N**IMIA sanguinis quantitate aut Effervescentia vasorum  
intestinalium oscula referante, sanguinea exurgit Dysenteria,  
plethoricis, mutilis, otiosis, & interruptam evacuationem per Nares,  
menstrua, hæmorrhoidesvè patientibus valdè familiaris, in hac san-  
guis sincerus ejicitur, non purulentus, non ater, hæc in synochis  
febris aliquando critica. Summam cruoris cruditatem ab hepa-  
tis vitio inductam arguit hepatica, biliosa tum sanguinis portio in  
jecoris glandulis non ritè transcolatur, redundat copiosior in inte-  
stina, Chylosim pervertit, sanguisque haud bellè defæcatus; magnâ-  
que feri Biliosi copiâ factus dilutior ad instar loturæ carniū recens  
mactatarum per laxatos ductus mesaraicos absque dolore effluit: hic  
fluxus hepaticus propriè nuncupatur. A sanguine crasso, nigro, ve-  
luti grumoso, picis liquidæ naturam referente originem ducit me-  
lancholica, huic interdum succus quidam acer aut acidus permis-  
cetur, cujus spiculis vasorum orificia referantur, eroduntur vè. In-  
testinalis denique (verè de quâ hic agimus Dysenterix) fideles af-  
fectu cruciatus sunt acerrimi, ventris tormina defectiones cruentæ,  
frequentes, purulentæque interdum, graveolentes, ulceris intestin-  
is plerumque inusti totidem indicia, febre stipata ut plurimum: Imma-  
nia hæc symptomata anodyn- præfidiis vix obtemperantia vomitu  
citius tutiusque sedantur.

### IV.

**D**YSENTERIAM externæ sæpè generant causæ, ut pra-  
va alimenta potulentavè, acriora pharmaca, iniqua pariter  
aeris inclementia, vigiliæ immodicæ, vehementioresque & corporis &

animi motus. Hæc omnia pravam in sanguine *διάρροια* inducunt; separandis humoribus heterogeneis, non sufficiunt emunctoria, succique nutritii reficiendis partibus inepti in intestina velût in sentinam defluunt, sædamque in iis excrementorum colluviem promovent. Ab internis plerumque bile nimirum succoque pancreatico vitiatu dysentericus producit fluxus, quatenus fermentatione præter naturali acriores, acidioresvè redduntur, stygiam acquirunt indolem, intestinorum fibrillas pungunt, inflammant, ulcerant, gangranamque & sphacelum dira malignitatis suæ procreant argumenta. Nec immunes à Contagio manent mesenterii glandulæ, serosus acris & salus, quo tunc scatent, liquor huic ce profluvio materiam non mediocrem subministrat. Nimia Ciborum ingurgitationis infelix sæpius soboles Dysenteria; helluonum stomachus alimentorum onere prægravatus iis coquendis impar Chylum crudiorum in intestina sinit effluere; bilis succusvè pancreaticus ( quantumvis perficiendæ Chylosi sint idonea ) ventriculi errorem non valent emendare, Chyli particulas crassiores nec satis dissolutas tenuia respuunt lactearum oscula, non admittunt in cellulis intestinorum stagnant, acefcunt, arteriolarum erodunt ora, unaque sanguini permixta per anum amandantur. Tot malis non pauca subveniunt Præsidia, feliciter celebratur venæ sectio, moderata, habitâ nempe ratione atatis, virium, febris, inflammationis, & plethoræ. Cruciatu compestunt ut cunque hypnotica. Intestinorum sordes eluunt enemata. Verùm inter alia palmam meretur *εμετός*, frustra V. S. curationem tentabis, sanguis aliquâ sui parte oleosâ & balsamicâ spoliatus Effrænata bilis impetum non sedabit. Effusus humor narcoticis per leveduntaxat temporis spatium concatenatus, solutus postea furias agethuc & illuc vehementius. Enemata crassiorum tantum intestinorum balnea, gracilium inquinamenta spurcitiasque non expurgant. Solutus *εμετός* utramque implet paginam, à ventriculo ad anum quidquid est heterogenei everrit, primò quidem in ventriculi rugis insidiosus latitans hospes, quâ brevior patet aditus, per os ejicitur; Noxii deinde & excrementitii humores intestinale tubulum inficientes per alvum exturbantur.

## V.

**D**YSENTERICI fluxus causas à vitio ventriculi primarumque viarum intemperie sæpè sæpius oriri nemo non fatebitur; Nullum autem præsentius Remedium, nullum aptius harum partium morbis præsidium quam vomitus: In hoc multiplices ventriculi fibrarum ordines irritati convelluntur, contractis præsertim circularibus & transversis illius fundus & latera sursum trahuntur, ca-

vitalisque coarctatur aded ut contenta per hoc aut illud orificium expellantur; verum cum angustior sit pylorus Æsophago, majorique fibrarum carnearum copia polleat, arctius constringitur, conclusaque per aditum patentiorem, Æsophagum nempe, sursum rejiciuntur: in hoc constrictorio ventriculi motu sive systole, Glandulæ in interioris tunicæ nervæ interstitiis collocatæ premuntur quaquâ versum, liquoremque copiosum effundunt, quò diluuntur succi heterogenei, faciliusque foras eliminantur, sursum quidem in systole per Æsophagum, deorsum vero in Dyastole per pylorum in intestina. Convulsivo etiam fibrarum ventriculi motu vicinæ exagitantur succutiunturque partes ob consensum nervorum ex eodem pari vago & intercostali prodeuntium; Ductus pancreatici & Cholidoci uberiorem profundunt humorem cujus portio contractione jejuni intestini per pylorum, dum explicatur, in ventriculum evehitur: futuroque vomitui materiam suppeditat; Altera succi pancreatici, bilisque effusæ pars intestinelorum fibrillas vellicat, liquoremque quo turgent eorum glandulæ exprimit, cujus adventu dissolvuntur ulterius humores excrementitii, citiusque & facilius per alvum exturbantur. Mechanicis his qui in vomitu contingunt motibus non solum stomachi alvinarumque partium abstergentur sordes, succorumque degenerum adaugetur exitus, verum etiam copiosior spirituum animalium promovetur influxus, quorum accessu recreantur hæ partes, harumque fibræ nervæ vitiosorum humorum saburrâ quâ immergebantur laxiores factæ, horum onere sublevantur, pristino restituuntur statui, & naturalem assequuntur tonum: hinc vis mira Ipecacuanhæ & stibii, quæ eo tutius Dysenteriam sistunt, quo vomitum uberiorem cient. Nauseâ tandem, singultu, anorexiâ, aliisque ejusmodi symptomatis Dysentericos præsertim infestantibus, quid tum magis naturam sequitur ducem quam vomitus.

*Ergo Dysentericæ Vomitus.*

*Domini Doctores disputaturi.*

*M. Urbanus Leaulté.  
M. Michaël Pichonnat.*

*M. Nicolaus Bailly.  
M. Joannes Duval.*

*M. Bertinus Dienxivoje.  
M. Guillelmus Petit, Serenissimi Delphini, Med. prim.  
M. Franciscus Pajot, Antiquior Scholæ Magister.*

*M. Franciscus Pisoté de Belestre.  
M. Claudius Quiquebœuf.*

Asserebat Parisiis JACOBUS SIMON GILLES DE LA RIVIERE Cenomanus, Baccalaureus Medicus, A. R. S. H. 1698.

Apud Franciscum Muguet, Regis & Facultatis Medicinæ Typographum.